

UNIVERZITET U TUZLI

**PRAVILNIK
O IZMJENAMA I DOPUNAMA PRAVILNIKA O TREĆEM CIKLUSU
– DOKTORSKOM STUDIJU NA UNIVERZITETU U TUZLI**

Tuzla, juli 2012. godine

Na osnovu člana 59. stav (1) tačka d) Zakona o visokom obrazovanju („Sl.novine TK“, broj: 8/08, 11/09), i člana 75. stav (1) tačka 2) Statuta Univerziteta u Tuzli, Senat Univerziteta u Tuzli na sjednici održanoj 06.07.2012. godine, donio je

**PRAVILNIK
O IZMJENAMA I DOPUNAMA PRAVILNIKA O TREĆEM CIKLUSU –
DOKTORSKOM STUDIJU NA UNIVERZITETU U TUZLI**

Član 1.

U članu 3. stav(2) Pravilnika o trećem ciklusu – doktorskom studiju na Univerzitetu u Tuzli, broj: 03-9562-7.1/10 od 22.12.2010. godine (u daljem tekstu: Pravilnik), riječi: „akademskog stepena,, zamjenjuju se riječima „ akademске titule i naučnog zvanja.“

Član 2.

Član 4. mijenja se i glasi:

„Naučnonastavno/umjetničkonastavno vijeće fakulteta/Akademije,(u daljem tekstu NNV/UNV Organizatora studija), pokreće inicijativu i utvrđuje prijedlog za organizovanje doktorskog studija koji organizuje fakultet/ Akademija, a odgovarajuće Vijeće grupacije za određeni studijski program koji organizuje Univerzitet.“

Član 3.

U članu 5. stav(1) i (2) riječ „osniva“ zamjenjuje se riječju „ imenuje“.

U stavu (3) istog člana riječ „predavače“ zamjenjuje se riječju „ nastavnika“

Član 4.

U članu 7. stav (4) mijenja se i glasi:

„Nastavnik na trećem ciklusu studija može biti redovni ili vanredni profesor, odnosno docent koji kao autor ima najmanje jedan naučni rad iz oblasti na kojoj izvodi nastavu, objavljen u časopisu indeksiranom u međunarodnim naučnim bibliografskim bazama (CC, SCI, SCIE, SSCI, AHCI, ERIH, ECON LIT), osim studija umjetnosti.

Iza stava (4) dodaje se novi stav (5) koji glasi:

„Po ukazanoj potrebi, nastavnik u nastavi trećeg ciklusa studija može biti redovni/vanredni profesor, odnosno docent koji kao autor ima najmanje tri naučna rada iz oblasti na kojoj izvodi nastavu, objavljena u drugom/im relevantnom/im časopisu/ima.“

Dosadašnji stav (5) postaje stavom (6).

Član 5.

U članu 8. uvodna rečenica mijenja se i glasi:

„Studijski program doktorskog studija sadrži:“

U istom članu iza alineje 8. dodaju se nove alineje koje glase:

„ – akademsku titulu, odnosno naučno zvanje koje se stiče završetkom doktorskog studija,
- kompetencije i vještine koje se stiču na doktorskome studiju „,

Član 6.

U članu 22. iza riječi „završenog“ dodaje se riječ „odgovarajućeg“.

Član 7.

Član 29. mijenja se i glasi :

„Mentor se određuje iz reda vanrednih i redovnih profesora, članova akademije nauka, te osoba u zvanju profesor emeritus iz uže naučne/unjetničke oblasti doktorske disertacije. Mentor na trećem ciklusu studija kao autor mora imati najmanje jedan naučni rad iz oblasti iz koje je mentor, objavljen u časopisima indeksiranim u međunarodnim naučnim bibliografskim bazama (CC, SCIE, SSCI, AHCI, ERIH, ECON LIT), osim studija umjetnosti.

Za doktorsku disertaciju iz oblasti umjetnosti biraju se dva mentora: mentor za umjetnički projekat i mentor za doktorski rad kao dio doktorske disertacije.

Mentor na umjetničkom projektu je nastavnik u umjetničko-nastavnom zvanju redovnog profesora, a mentor za pisani dio rada je nastavnik u naučno-nastavnom zvanju vanrednog ili redovnog profesora.

Po ukazanoj potrebi mentor može biti redovni/vanredni profesor koji kao autor ima najmanje tri naučna rada iz oblasti na kojoj je mentor objavljena u drugim relevantnim časopisima.

Mentor za izradu doktorske disertacije dužan je da pomaže studentu pri izboru metoda naučno-istraživačkog/umjetničko-istraživačkog rada, literature, pripremi strukture rada, kao i da mu pruža drugu stručnu pomoć.

Mentor koji je preuzeo mentorstvo prije odlaska u penziju, ima pravo dovesti to mentorstvo do kraja.“

Član 8.

U članu 31., tekst u zagradi mijenja se i glasi:

„(CC, SCI, SCIE, SSCI, AHCI, ERIH, ECON LIT)“.

Član 9.

U članu 33., tekst u zagradi mijenja se i glasi:

„(CC, SCI, SCIE, SSCI, AHCI, ERIH, ECON LIT)“.

Član 10.

Ovaj Pravilnik stupa na snagu danom donošenja i objavljuje se na oglasnoj tabli i WEB stranici fakulteta/Akademije.

Broj: 03-5990-1.3/12
Tuzla, 06.07.2012. godine

PREDSJEDNIK SENATA

Dr. sc. Enver Halilović, redovni profesor